



**C**Asparus apud Silesios honestis parentibus natus, atq; à pueris in omni genere literarū & uirtutum optimè educatus fuit. Erat is felicissimo ingenio præditus. Itaq; hinc inde in academijs Italiae & Germaniæ philosophiæ operã dedit, atq; sibi magnam eruditionem cõparauit, ut uiris doctis, in primis Erasmo Roterodamo, gratissimus extiterit (id quod ex eius Epistolis deprehēdi potest.) cum eius Genethliacon magno artificio carmine descriperit. nobiles etiam Poëtas lato carmine, Historicos uerò (ut Iouius inquit) styli grauitate superabat. sed in cumulo honestissimæ laudis, uti integer uitæ scelerisq; purus, ita tranquillū anī

mi probitate periculosi officij munus feliciter adimplebat. Nam Maximilianum Ferdinandi Cæsaris filium (qui hodie Imperij habenas magna gloria moderatur) perfectis moribus atq; bonis literis instituit, atq; apud omnes in magna autoritate fuit. Itaq; factum ut non modò apud Germanos, uerum etiam exterarum nationes, ob multas corporis & animi uirtutes, innotuerit. Scripsit Casparus Poëmatum lib. 5. deinde Monosticha de uitis regum Italiae, Albanorum, Romanorum, uirorum illustrium, Cæsarum, & summorum pontificum, ad Carolum & Ferdinandum usq;. præterea disticha Cæsarum, atq; Chronicorum mundi epitome. Cum hoc modo Gaspar feliciter in studiorum cursu pergeret, immatura morte multorum desiderio obiit, atq; Cæsaris iussu honestã sepulturam obtinuit. P. Iouius in elogio uirorum doctorum.